

哈密志卷之五十一

回部志

回子郡王銜貝勒源流

欽定外藩蒙古回部王公表傳

札薩克一等達爾漢額貝都拉列傳

今襲郡王
品級多羅

貝勒

額貝都拉哈密回部人初號達爾漢伯克隸準

噶爾康熙三十二年

遣理藩院員外郎馬迪等

頒賚策妄阿喇布坦道哈密有叛賊罕都羅卜藏額琳

沁者自準噶爾來降尋叛竄偕噶勒丹屬圖克

齊哈什哈哈爾海達顏額爾克等以兵五百戕

馬迪掠駝馬遁額貝都拉聞之給從迪者糧騎

護歸嘉峪關

上以罪在噶勒丹

詔勿問哈密三十五年額貝都拉遣納林伯克貢駝馬

表曰臣白帽族貢中國久

天使至臣所噶勒丹以兵戕臣不能護脫恐不睦臣者
謂臣與逆謀

上即天也違天者必受殃厄魯特數徙牧或肆掠已輒
竄臣城郭居焉敢為逆噶勒丹既為大軍所敗

諭哈密勿藪逆額貝都拉遣使納林伯克奏偵噶勒丹
至當擒獻

上嘉其恭順

賜章服貂冠金帶而是時噶勒丹遣圖克齊哈什哈達
什哩鄂摩克圖哈什哈等貸糧哈密復齎書通
問僧克拉什呼圖克圖曼殊呼圖克圖和碩齊
台吉博貝等乞援族台吉衮占妻諾觀達拉遣
達爾漢宰桑孛屬從噶勒丹復令其乳母子丹
津札十俄羅岱達爾札及子色布騰巴勒珠爾
乳母之父輝特和碩齊從色布騰巴勒珠爾獵
巴里坤額貝都拉遣長子郭帕伯克以兵三百

擒之明年遣次子白奇伯克械獻表曰臣擒噶勒丹子及其屬厄魯特必讐臣哈密危且懼請

諭令勿虐臣

詔策妄阿喇布坦及青海和碩持台吉等勿擾哈密

賜額貝都拉及郭帕伯克章服銀幣白奇伯克如之從

者給白金文綺有差時副都統阿南達設哨嘉

峪關外額貝都拉告曰哈密地小而貧厄魯特

竄至者衆力不獲養欲獻軍馬復多瘠請驅令

出境阿南達語曰爾當體

聖天子好生仁善養之軍事藏俟

詔行而策妄阿喇布坦數遣使哈密索噶勒丹子檄以

所收厄魯特歸吐魯番且詰哈密內附故額貝

都拉語曰我誠附

天朝非迫而然也策妄阿喇布坦憾之拘其使額貝都

拉亟遣告曰策妄阿喇布坦將復索所收厄魯

特不給將興戎

詔已賜檄勿懼索者至勿擅給未幾噶勒丹自殺其族

子丹濟拉携噶勒丹骸走哈密掠畜遁濟木薩

額貝都拉以告

遣使往招降丹濟拉懼策妄阿喇布坦阻馳奔哈密額

貝都拉迎入城給糧騎遣郭怕伯克護至

詔以額貝都拉為一等札薩克仍達爾漢號

賜勅印及銀幣以郭怕伯克為二等伯克協理旗務白

奇伯克如郭怕伯克職四十八年卒子郭怕伯

克襲

一次襲郭怕伯克額貝都拉長子康熙四十八

年襲札薩克一等達爾漢五十年卒子額敏襲

二次襲額敏郭怕伯克長子康熙五十年襲札

薩克一等達爾漢五十四年準噶爾襲哈密敗

之大軍屯巴里坤額敏復墾塔勒納沁田歲輸

青稞助雍正五年

諭曰額敏自軍興以來輸忱効力率所部人等屯耕助

軍甚屬可嘉著晉封鎮國公七年來朝晉封固山貝子

優賚遣歸十年準噶爾兵復襲哈密額敏簡健卒設伏

城外禦之馳乞援大軍至賊遁乾隆元年額敏

奏興師來哈密歲納屯糧計二萬七千五百石

已支用萬八千餘石今巴里坤軍撤請屯耕如

故

詔賜幣嗣免納糧五年卒子玉素卜降襲鎮國公

三次襲玉素卜額敏長子乾隆五年襲札薩克

鎮國公十年晉封固山貝子十一年議設汎錫

喇諾爾及畢柳大坂玉素卜請供官馬芻茭簡

卒助守

允之二十一年吐魯番莽噶里克叛子白和卓入

覲旋抵哈密玉素卜偕副將祖雲龍議擒之達書吐魯

番札薩克輔國公額敏和卓令決勦賊計

獎賜幣復

詔簡所部兵三百援吐魯番尋莽噶里克亂定二十三

年春請以兵百從大軍征逆回布拉呢敦霍集

占

諭曰玉素卜係回部望族今聞辦理葉爾羌喀什噶爾

等回部情願率兵効力深可嘉獎著照所請同雅爾

哈善額敏和卓前往所有應得分例照蒙古貝子例

賞給回兵照綠旗兵丁例賞給果能奮勉勤賊朕將

格外施恩

詔授領隊大臣會靖逆將軍雅爾哈善奏俟取庫車烏

什阿克蘇等城以從軍之庫車伯克鄂對等駐

其地

諭曰回人情性雖不同厄魯特而近年與厄魯特雜處

不免漸染習氣未可深信取庫車等城後伯克鄂對

等亦不當專令看守其聽玉素卜節制夏大軍圍庫

車逆黨阿卜都克勒木白阿克蘇來援擊之敗

遁

頒賜

御用佩飾霍集占尋搗賊五千餘援庫車復為大軍所
敗

賜幣

詔叙績秋七月賽哩木沙雅爾回人乞降玉素卜撫其
衆搗徙軍營近地願留者以戶籍獻八月克庫
車雅爾哈善令玉素卜駐其地阿克蘇降定邊
將軍兆惠檄玉素卜駐阿克蘇尋烏什降復檄

駐烏什大軍抵葉爾羌賊抗諸喀喇烏蘇時駐
烏什兵僅二百五十餘玉素卜檄阿克蘇兵五
百赴烏什防變復謀徵布魯特兵攻喀什噶爾
分葉爾羌賊勢聞烏魯特特穆爾居烏什為布
魯特屬召給糧馬茶幣令侍衛布占泰攜往烏
魯特等欣就道

諭曰玉素卜辦理軍營駐守烏什俱能悉心奮勉甚屬
可嘉著加恩賜給貝勒品級復以輸駝馬助阿克蘇

援喀喇烏蘇兵

詔如值給二十四年布拉呢敦霍集占竄巴達克山

詔俟大功成簡玉素卜偕額敏和卓分守葉爾羌喀什

噶爾資倚任復以報効志誠

諭晉封多羅貝勒巴達克山尋獻霍集占首

諭曰玉素卜雖不與將軍大臣等同在軍壘但駐劄烏

什辦理諸事亦極奮勉著加恩賞給郡王品級尋

詔入

覲伯克等四十四人以玉素卜偕貝勒霍集斯領之二

十五年春至京

召謁於

正大光明殿

賜章服行飲至禮於豐澤園

賚銀幣復以烏什為回部要地

詔玉素卜弟阿卜都拉任烏什阿奇木伯克二十六年

議塔勒納沁居屯田兵興版築玉素卜請助役

不受工值

獎賚幣及佩飾復

諭優給口糧示恤冬十月

諭曰前因額敏和卓玉素卜皆回部舊人若令伊等更替駐劄辦事於新疆有益去年玉素卜來京曾諭令在哈密休息年餘今額敏和卓當還吐魯番休息以玉素卜往代玉素卜著即整裝候此次入覲回人等至哈密時即同護送之乾清門侍衛等帶領前往著

授參贊大臣應得公項照例支給伊子伊勒巴喇伊木着守游牧著加恩賞戴孔雀翎二十八年玉素卜就道額敏和卓以遣使巴達克山索布拉呢敦尸及其孥仍留葉爾羌

詔玉素卜暫理阿克蘇務冬巴達克山事竣玉素卜往代三十年烏什逆回賚哈木圖拉等糾眾叛副都統素誠偕阿卜都拉遣呢雅斯走阿克蘇告

變素誠尋自殺

詔伊犁將軍明瑞往勦會阿克蘇伊什幹伯克薩里弟
額伊敏自烏什脫出告阿卜都拉遣屯田兵赴
伊犁不給糧畜且科瘠羊四百徵回人銀被賊
擒禁復納女賚哈木圖拉為免死計阿克蘇辦
事副都統弁塔海以

聞

諭曰阿卜都拉被回人拘禁朕尚以阿卜都拉係玉素
卜之弟必不肯屈節今觀伊平日縱容所屬侵蝕回

人銀兩又納女於賚哈木圖拉希圖臨難苟免此與
叛逆何異豈可以其為玉素卜之弟遂從寬貸著明
瑞至烏什日務將此等情節查訊明確若果所傳不
妄非獨逆回等當族誅示懲即阿卜都拉亦宜明正
典刑玉素卜奏臣弟阿卜都拉擾回衆致債事臣素

失訓請議罪

諭曰阿卜都拉以阿奇木伯克縱所屬人等滋擾激變
罪由自取與玉素卜無涉著加恩免其議處時阿卜

都拉被賊擒賚哈木圖拉奪其女將納之逆妻
有怨言乃止因戕阿卜都拉復禁其女及子大
軍既定烏什明瑞訊賊黨得情疏

聞

詔釋阿卜都拉孛歸哈密三十一年玉素卜遵

旨自葉爾羌歸奏哈密生齒日繁請遺戶五百屯伊犁

以次子伊薩克護往

允之伊薩克自伊犁歸

詔授二等台吉玉素卜尋攜長子伊勒巴喇伊木入

覲中道皆疾卒以伊薩克襲

四次襲伊薩克玉素卜次子乾隆三十二年襲

郡王品級札薩克多羅貝勒三十六年入

覲

賜三眼孔雀翎黃馬褂

命乾清門行走三十八年

詔授領隊大臣赴伊犁轄屯田回民四十一年

諭歸哈密四十五年卒子額爾德錫爾襲

五次襲額爾德錫爾伊薩克長子乾隆四十五

年襲郡王品級札薩克多羅貝勒五十三年

諭曰哈密吐魯番二部皆國家世僕其餘各城回人雖

經朕平定新疆時歸降但効力幾三十年奮勉急公

是以分別施恩賞給王貝勒貝子公台吉等封爵乾

隆四十八年該院照例查明伊等封爵或定世襲固

替或定為出缺後降等承襲雖係照例辦理但伊等

來歸年久共感朕恩各勤職業即如哈密郡王品級

貝勒額爾德錫爾之始祖額貝都拉歸誠以來已歷

數世額爾德錫爾之祖玉素卜在軍營勤勞懋著貝

子鄂斯瑞之父鄂對在軍營奮勉封授貝勒品級因

罪削爵後鄂斯瑞仍諸事抒誠効力復封貝子色提

卜阿勒氏先在軍營奮勉又在阿奇木伯克任內數

年留心辦事公伊勒巴喇伊木一等台吉鄂羅木咱

卜二等台吉巴巴阿布勒丕爾敷三等台吉阿卜都

呢咱爾帕爾薩伊等封爵或因軍前効力封授或因
伊祖父功績賞給若照院議於出缺後降等承襲日
久遞降殊非朕久遠撫恤回衆之至意今施恩將議
定降等承襲之額爾德錫爾色提卜阿勒氏鄂斯瑞
伊勒巴喇伊木鄂羅木咱卜巴巴阿布勒丕爾敷阿
卜都呢咱爾帕爾薩等十人現襲之王貝子公台吉
等封爵出缺時不必降等承襲俱著世襲罔替以示
朕優恤回僕之至意併交該院行文各回城大臣將

朕此旨通行曉諭衆回人等交相欣慶五十五年七

月奉

旨賜雙眼翎黃馬褂等因表傳所載又於嘉慶十八年

額爾德錫爾卒子伯錫爾襲

六次襲伯錫爾係額爾德錫爾長子嘉慶十八

年二月內襲郡王品級札薩克多羅貝勒

道光十二年十二月內奉

旨伯錫爾因十年軍需預備車駝甚屬可嘉著晉封

郡王欽此由理藩院知照前來等因據此載入誌
之

回王福晉病故由理藩院行文蒙

恩賜奠哈密廳備辦羊酒

哈密大人派員前往致祭哈密廳造冊報部查

銷

哈密回子郡王屬下

協辦回務伯克二員出缺咨報滿印房轉呈辦事大臣轉咨理藩院代

奏咨覆到日准其更換頂戴

管旗固山章京一員若出缺咨報滿印房呈明辦事大臣轉咨理藩院

梅勒章京二員若出缺咨報滿印房呈明辦事大臣轉咨理藩院

札蘭章京二員

佐領十三員

分得撥什庫十三員

頭等護衛五員

二等護衛三員

三等護衛四員

五品典儀一員

六品典儀一員

以上自札蘭章京至典儀均由回王自行揀
放不報咨行

哈密五堡及各處回民入冊者一千九百五十
餘戶

共男婦大小一萬二千六百餘口

哈密回子郡王銜貝勒每年進

貢什物列後

磨刀石

葡萄

瓜干

回子布

青羊角

金銀鞘小刀

回子手巾

回子鞭子

